

## Rau Tau Paulus Iboode Pa Yes Galesia Galesia—Galatians

### *Maaron tauu ta ighur Paulus pa uraat tooni*

<sup>1</sup> Yau Paulus, mbanjoona to Yesu Krisi, ta nabood rau tane. Uraat tau naghhamghamu ne, tamtamon eta ighur ghau pani mako, ve lupuuñ eta to taan tighur ghau pani mako. Yesu Krisi gha Taama Maaron tau ipaburigini pa mateegh na, yesuru ta tighur ghau pa uraat tane. \*

<sup>2</sup> Tonvetaz tisov to Krisi tau tileep tomani ghau ne, yeña nibood rau tane pa yam lupuuñ to Krisi tau aleep irau taan sirivu to Galesia na. \*

<sup>3</sup> Poia to Tamaan Maaron ve Tiina toit Yesu Krisi iza tsiam, ve tinjin gham aleep poia toman lolomim luuma. <sup>4</sup> Krisi iyoki tauu gha imaait itaghon Tamaan Maaron loolo, leso ireu sosor toit, ve ipas ghiit pa saghati tapiri tau aazne ighen irau taan. \*

<sup>5</sup> Tauvene tapait Maaron eeza pa tapiri ve poia tooni ta aazne, ve taghon taghon gha ila. Onoon.

### *Vaaru poia eemon ighengheen*

<sup>6-7</sup> Oyai, yau naghham ngar naol pa yam Galesia. Aghita. Ila uraat to Yesu Krisi ve poia tooni, Maaron ipoi gham amin le wa. Eemon yam rekia mon aghur murimim pani, ve aghe ataghon vaaru poia ite. Ve vaaru poia eemon ta ighengheen. It

---

\* **1:1:** Mban 9:15    \* **1:2:** Mban 16:1-6, 18:23    \* **1:4:** Mk 10:45

paam mako. Aloonj. Tamtamon siriv tau tilepleep tomani gham na, yes titortoor vaaru poia to Krisi, ve tikaukau ngar tsiam. Zeran tawe, saveenj toozi isapir kat. \*

<sup>8</sup>Tauvene yam aloonj zi sov. Aloonj. Isaav ighe tamtamon eta, ma anjela to sambam eta ivotia vaaru poia payam, ve saveenj tooni isapir pa vaaru poia tau muunj yei nivotia payam, ene aatyavyav to Maaron aat izaa tooni ve ivaghamunia. Yei paam, isaav ighe nigham tauvene, aatyavyav to Maaron aat izaa tsiei ve ivaghamun ghei. <sup>9</sup> Tauvene saveenj tau nisavia gha aloonja wa, tauta aazne nayoli muul. Isaav ighe tamtamon eta ivotia saveenj payam, ve saveenj tooni isapir pa vaaru poia tau muunj yam aghamu na, aatyavyav to Maaron aat izaa tooni ve ivaghamunia. \*

<sup>10</sup> Yam agham ngar mindai? Saveenj tsiau tane, yau nasavia to naghams tamtamon lolozi poia payau? Mako. Yau nasavia lesu Maaron loolo poia payau. Ve mindai? Yam aghe yau nazuari ghau to naghams tamtamon lolozi? Mako kat! Isaav ighe naghams tauvene, ene yau besoonja to Krisi mako. \*

### *Yesu Krisi tauu ta ipaghazonjai Paulus pa vaaru poia*

<sup>11</sup> Yam tonjvetaz, yau naghe yam awatagh kat tauvene: Vaaru poia tau yau nasavia payam na, ene ivot ila to tamtamon eta to taan mako. <sup>12</sup> Pasaa,

---

\* **1:6-7:** Mbanj 15:1, 24; 2Kor 11:3+    \* **1:9:** Syg 22:18+    \* **1:10:** 1Tes 2:4; Yems 4:4

yau naghamu ila to tamtamon eta mako. Ve tamtamon eta ipaghazonjai ghau pani mako. Yesu Krisi tauu, ta ipaghazonjai ghau pani. \*

*Paulus ipaesia eez tau i itoor ngar tooni, ve Yesu Krisi ighuru imin mbanjoona tooni*

<sup>13</sup> Ngar tau muun naghamghamu na, yam aat aloona wa. Saawe tau nataghon yes Yuda pa tutuun ve sunjuun toozi, naghur patanani tintiina izazaa to yes tau tileep ila lupuun to Maaron na, ve naghazim zi tileep saghat kat. Pasaa, naghe le nareu zi, ve napasov lupuun toozi le isov kat. \*

<sup>14</sup> Saawe tana, yau nazuari ghau kat pa sunjuun ve tutuun to yei Yuda, le naliiv zetagna naol tau yena tumbuun eemon na. Pasaa, ngar tsiau iyaryaan kat naghe le nataghon dudunai tutuun tisov to tibugna tau tigheen muun ve ilam. \*

<sup>15-16</sup> Eemon, saawe tau tinañ ipoop ghau soone, Maaron isiigh ghau pataghaan wa. Ve murei ra, i ipoi ghau namin le, itaghon tauu loolo ve poia tooni, ve itotoi Naatu payau, lesu navotia vaaru pa yes tau Yuda mako na. Saawe tau gabua tana ivot payau, yau nala nail neer eta to taan to ipaghazonjai ngar tsiau ne mako. \*

<sup>17</sup> Ma reki nazala Yerusalem pa ghitoon yes tau timin mbanjoona to Krisi imin maata payau na mako. Malmalig nala naleep izi taan sirivu to Arabia. Naleep le isov, ra namuul nala pa nugh Damaskus.

---

\* **1:12:** 1Kor 11:23; Ep 3:3

\* **1:13:** Mbanj 8:3, 26:9+; 1Tim 1:13

\* **1:14:** Mbanj 22:3; Pil 3:6

\* **1:15-16:** Yer 1:5; Mbanj 9:15; Ro

<sup>18</sup> Ndaman tol isov, ra nazala Yerusalem pa ghitoon Petrus, ve yeiru nileep irau mbon sanjavul ve liim. \*

<sup>19</sup> Saawe tana, naghita mbanjoona siriv to Krisi mako. Naghita Yakobus tau Tiina toit taazi na mon. \*

<sup>20</sup> Saveen tau naboode payam ne, ene karom mako. Ila Maaron maata, ene saveen onoon.

<sup>21</sup> Yau naghita Petrus le isov, ra nala naleep izi taan sirivu to Siria ve Silisia. \*

<sup>22</sup> Saawe tana, lupuun to Krisi tau tileep irau taan sirivu to Yudea na, tighita naghog mako.

<sup>23</sup> Tilonloon varug mon tauvene: “Ñeer tau muun ighurghur patañani pa iit tamtamon tau taghur ila Krisi saveen tooni, ve ireureu ghiit, tauta aazne ivovotia saveen tana pa tamtamon.” <sup>24</sup> Tauvene yes tiloon varug pa ngar tau Maaron igham payau na, ve tipait eeza pa tapiri ve poia tooni.

## 2

*Yes mbanjoona tau tileep izi Yerusalem na, tiyok pa uraat to Paulus*

<sup>1</sup> Ndaman sanjavul ve paan isov, ra yeiru Banabas nizala muul pa Yerusalem. Saawe tana, naghama Titus ve yeña nila. \*

<sup>2</sup> Nazala sorok mako. Nataghon ngar tau Maaron ivotia payau, tauta nazala. Nila peria, ra yeña yes tau tamtamon tighit zi tighe yes timin daaba pa lupuun to Krisi na, nila nilup ghei soghan, ve napaes pazi pa vaaru poia tau navovotia pa yes

---

\* **1:18:** Mbanj 9:26+      \* **1:19:** Mt 13:55      \* **1:21:** Mbanj 9:30

\* **2:1:** Mbanj 11:27, 15:1+

tau Yuda mako na. Pa naroi: Ighe murei tiburig ve tiyau avozi pa uraat tsiau, ene pale uraat tau naghhamghamu na, ighur anooᵇa mako.

<sup>3</sup> Ve aghita. Titus tau yeᵇa nizala na, i Yuda mako. I to Grik. Eemon yes daaba tawe tizoor-nugh pa ravuunᵇ waaro mako. \*

<sup>4</sup> Saawe tana, tamtamon siriv tau tonᵇvetaz tauu to Krisi mako na, tilam tizool ghei tighe tipadeu payei. Pasaa, yes tiwatagh: Yei nighur ila nighe: Iit tamtamon tau tapaak Krisi ve taleep ila tooni na, Krisi ipas ghiit pa eez to taghoniinᵇ tutuunᵇ \* wa. Zeran tawe tighe tigham ghei nimin besooᵇa sorok muul pa yes Yuda gabuazi ve tutuunᵇ toozi. \*

<sup>5</sup> Eemon yei niyooz ariaanᵇ, ve niloonᵇ alinᵇazi rigta mako. Pasaa, nighe le saveenᵇ onoon to vaaru poia igheen duduunᵇ pa yam tau Yuda mako na.

<sup>6</sup> Tauvene yau napaesia vaaru poia tau navovotia na pa yes daaba tau tinginᵇgin lupuunᵇ to Krisi, ve tiyok pani mon. Tirere pani mako, ve tiseeᵇga pa saveenᵇ ite paam mako. Mako kat. Daaba tawe, tamtamon titandagh pazi tighe ezazi tintiina. Ve isaav ighe ezazi tintiina, ma lezi ezazi mako, ene yau naghham ᵇgar pa gabua tauvene mako. Pasaa, Maaron paam igham ᵇgar pa tamtamon ezazi mako. \*

---

\* **2:3:** Mbanᵇ 16:3      \* **2:4:** Zeran tau titaghon eez to tutuunᵇ na, ᵇgar toozi tauvene. Isaav ighe titaghon duduᵇai tutuunᵇ naol isov to Maaron, ene pale tiduduunᵇ ila i maata. Ve ighe tisor pa tutuunᵇ tooni rigta, ene irau tiduduunᵇ ila i maata mako.      \* **2:4:** Mbanᵇ 15:24; Pil 3:2+      \* **2:6:** Mbanᵇ 10:34; Ep 6:9

<sup>7</sup> Yes daaba tana tighilaal ghau tigde: Maaron inumeer ghau, ve ighur uraat ila nimag ighe navotia vaaru poia pa yes tau Yuda mako na, raraate imin ighur uraat to votiaan vaaru poia pa yes Yuda ila Petrus niima. \*

<sup>8</sup> Pasaa, Maaron ighur ghau namin mbanooᅇa pa yes tau Yuda mako na, ve ipapalot ghau pa uraat tau naghhamghamu ila sosozi, raraate imin ighur Petrus imin mbanooᅇa pa yes Yuda, ve ipapaloti pa uraat tau ighamghamu ila sosozi. <sup>9</sup> Tauvene Yakobus, Petrus, ve Yoan, tau tamtamon tighit zi tigde timuᅇmuᅇ pa uraat to Krisi na, yes tighilaal tigde: Maaron ighur poia tooni iza tsiau, ve ighur uraat tane ila nimag. Ve lolozi poia pa yeiru Banabas uraat tsiei, ve tighita tigde yeᅇa uraat tsiei eemon. Tauvene yeᅇa nivataki nimamai, ve nimbu saveeᅇ nighe yeiru Banabas aat nila nigham uraat ila yes tau Yuda mako na sosozi, ve yes tigham uraat pa yes Yuda.

<sup>10</sup> Gabua eemon tau tisaav payei tigde nighamu, ene vene: Yeᅇi aat matamai iᅇgal tamtamon toozi tau mbolaan igham zi na, ve niyambaar lezi uleeᅇ siriv. Yau naloᅇ saveeᅇ toozi tawe, ve nayok pani mon. Pasaa, muᅇᅇ ve ilam, ᅇgar tsiau iyaryaᅇn naghe naghham tauvene. \*

### *Paulus iyaon Petrus pa karom tooni*

<sup>11</sup> Saawe tau Petrus izilam nugh Antiok, i igham ᅇgar tau iduduᅇᅇ mako. Tauvene yau nasaav duduᅇᅇ ila maata, ve nayaoni. <sup>12</sup> Pasaa, muᅇᅇ, i

---

\* **2:7:** Mbanᅇ 22:21; Ro 11:13+  
2Kor 8:1+

\* **2:10:** Mbanᅇ 11:29+; Ro 15:25;

yesna yes tau Yuda mako na, tiluplup zi pa ghanghaniin. Eemon saawe tau Yakobus imbaan zeetna siriv tila tivot toozi, Petrus imoghaagh pa yes tau Yuda mako na, ve yesna tilup zi muul mako. Pasaa, iroi pa yes tau tiyooz ariaan pa tutuun to Mose ve ngar to ravuun tamtamon warozi. \*

<sup>13</sup> Ve i zigani mako. Yuda siriv tau tighur ila to Yesu na, tipaak Petrus pa karom tooni. Ve Banabas paam, tikau ngar tooni le itaghon zi pa karom toozi tawe.

<sup>14</sup> Yau naghita ngar toozi tawe isapir kat pa saveen onoon to vaaru poia. Tauvene nasaav kat pa Petrus ila eval tiina matazi naghe: “Yo Yuda. Eemon yo upul Yuda gabuazi ve tutuun toozi, ve uleep imin yes tau Yuda mako na. Mindai ta aazne utoor ngar tsio muul ve ughe utaghon Yuda gabuazi? Ngar tau ughamu na, ene pale igham yes tau Yuda mako na matazi ingal tigde yes aat titaghon yes Yuda gabuazi ve tutuun toozi.” \*

*Tamtamon tau ighe ighur ila to Yesu, ene i iduduun ila Maaron maata*

<sup>15</sup> Onoon, yes nugh nugh tau tikankaan pa Maaron na, timamalaan pa tutuun tooni irau saawe. Ve iit tau sin to Yuda duduun ne, taghamgham tauvene mako. <sup>16</sup> Eemon iit tawatagh: Ngar to taghoniin tutuun, ene irau igham tamtamon eta iduduun ila Maaron maata ne mako. Ghuruun ila toit tau inarui Yesu Krisi, tauta imin eez pait gha taduduun ila Maaron maata. Puughu tane ta iit taghur ila to Yesu Krisi, leso igham ghiit taduduun ila Maaron maata. Ve

\* **2:12:** Mban 11:3      \* **2:14:** 1Tim 5:20

eez to taghoniin tutuun, ene tanumeera muul mako. Pasaa, tamtamon eta irau itaghon dudunai tutuun to Maaron, ve ighamu iduduun ila Maaron maata ne mako. \*

<sup>17</sup> Tauta iit tazuari ghiit taghe le taghur ila to Yesu Krisi ve taleep tunja ila tooni. Leso i igham ghiit taduduun ila Maaron maata. Onoon, saawe siriv, iit tamalaan pa Maaron tutuun tooni. Eemon pale tasaav mindai? Yesu Krisi imin pu-ughu pa sosor toit tawe? Mako kat! \*

<sup>18</sup> Ve aghita. Eez to taghoniin tutuun, yau napag-hazonaini naghe ene isov wa. Isaav ighe natoor ngar tsiau ve napayooz eez tawe muul, ene aat namalaan pa Maaron ngar tooni. \*

<sup>19</sup> Tauvene eez to taghoniin tutuun, yau napuli wa. Pasaa, saawe tau Krisi ibaad sosor tsiau atuya izala ai pambaroon itaghon saveen to tutuun, ene imin yau paam namaat tomania. Tauta aazne, naleep ila tutuun saamba muul mako, ve naghham lepoogh paaghu ila to Maaron, ve nabesbees pani.

<sup>20</sup> Tauvene lepoogh tsiau tau aazne naghhamu izi taan, ene taug nanjini muul mako. Krisi tau ilepleep ila lolog ne, tauta ingin lepoogh tsiau. Tauvene yau naghur ila to Maaron Naatu tau ighur loolo payau kat, ve ipul tauu gha imaat payau. Ghuruun ila tsiau tane, tauta aazne ighamgham pooz payau pa lepoghag to taan. \*

<sup>21</sup> Poia to Maaron tau izazaa toit ila uraat to Yesu Krisi na, irau matag veleghini imin kaut sorok ne mako. Isaav ighe ngar to taghoniin tutuun irau

---

\* **2:16:** Mbarj 13:38+; Ro 3:20, 28; Ga 3:11      \* **2:17:** Ga 5:16+

\* **2:18:** Ro 10:4      \* **2:20:** Ro 6:6, 11, 7:6; 2Kor 5:15



igham ghiit taduduunj ila Maaron maata, ene Krisi imaat sorok. \*

### 3

*Yes Galesia tigham Avuvu Patabuyaanj ila eez to taghoniinj tutuunj mako*

<sup>1</sup> Aa yam kankanoonja to Galesia, sei ikau ngar tsiam? Aazne, avaghamgham imin yes tau mura tivaghamun zi na! Saawe tau nileep tomani gham, yei nipaghazonjai gham pa Yesu Krisi, le imin ta taumim aleep, ve aghita tiravu izala ai pambarooj. \*

<sup>2</sup> Aiyoy, naghe naghason gham pa gabua ee. Yam agham Maaron Avuvu itaghon saa eez? Eez to taghoniinj tutuunj, ma eez to aloonj vaaru poia ve aghur ila? \*

<sup>3</sup> Yam aat lemim ngar mako taa? Papazoge, Maaron Avuvu ipaburigin gham gha agham lepooogh poia ila tooni. Puughu mindai ta aazne aghe apasov uraat tooni ila taumim tapirimim?

<sup>4</sup> Gabua naol tau muunj ivotvot payam na, ene ivot payam sorok? Mako! \*

<sup>5</sup> Ve puughu mindai ta Maaron irei Avuvu payam, ve ighamgham gabua ngeretazi ila somim? Yam ataghon dudunjai tutuunj tooni, ta ighamgham tauvene payam ne? Mako. Yam aloonj vaaru poia mon, ve aghur ila.

*Abaram itotoi ghiit pa eez to ghuruunj ila*

\* **2:21:** Hib 7:11

Ro 10:16+; Ep 1:13

\* **3:1:** 1Kor 1:23; Ga 5:7

\* **3:4:** 1Kor 15:2; 2Yo 8

\* **3:2:** Mbanj 2:38;

<sup>6</sup> Matamim ingal imuul ila pa Abaram. Maaron aliinja tau tiboode na, isaav tauvene:

“Abaram ighur ila to Maaron, tauta Maaron ighita ighe i neer duduuna.” \*

<sup>7</sup> Tauvene yam irau awatagh aghe yes tau titaghon eez to ghuruun ila, tauta timin Abaram natja. \*

<sup>8</sup> Maaron iwataghi wa: Murei, nugh nugh tau Yuda mako na, pale tighur ila vaaru poia, ve ghuruun ila toozi tana igham zi tiduduun ila i maata. Pasaa, Maaron aliinja tau tiboode na isaav tauvene: Muun kat, Maaron ivotia vaaru poia pa Abaram ighe:

“Yo pale umin eez pa nughmarin to taan, leso poia tsiau iza toozi.” \*

<sup>9</sup> Tauvene tamtamon tisov tau tighur ila to Krisi na, poia to Maaron aat iza toozi, imin muun Abaram ighur ila ve poia to Maaron iza tooni. \*

*Eez to taghoniin tutuun, i le patanani*

<sup>10</sup> Yes tau tinumeer tige ngar to taghoniin tutuun pale imin eez pazi to tiduduun ila Maaron maata, ene pale aatyavyav to Maaron iza toozi ve ivaghamun zi. Saveenja tiboode pataghaan wa:

“Saveen naol tau tiboode ila rau to tutuun na, yam aat matamim kisin zi ve ataghoniir zi le tisov. Ve sei tau ighe itaghon suvinia mako, ene pale aatyavyav to Maaron iza tooni, ve ivaghamunia.” \*

<sup>11</sup> Tauvene tutuun irau imin eez pa tamtamon eta to iduduun ila Maaron maata mako. Ene igheen

---

\* **3:6:** Gnp 15:6; Ro 4:3      \* **3:7:** Yo 8:39; Ro 4:11+      \* **3:8:** Gnp 12:3, 18:18, 22:18      \* **3:9:** Ro 4:16      \* **3:10:** Lo 27:26

mataghare wa. Pasaa, Maaron aliinja tau tiboode ila rau na, isaav tauvene:

“Tamtamon tau ighe ighur ila, ene aat iduduun ila Maaron maata, ve igham lepoogh poia ila tooni.” \*

<sup>12</sup> Eemon eez to taghoniin tutuun, ene ngara ite pa eez to ghuruun ila. Pasaa, eez to taghoniin tutuun, ene vene:

“Tamtamon tau ighe itaghoniir tutuun tisov, ene aat ileep poia.” \*

<sup>13</sup> Tauvene eez to taghoniin tutuun, ene igham patanani pait. Pa ighe tataghon duduunai tutuun mako, ene pale aatyavyav to Maaron izaa toit ve ivaghamun ghiit. Eemon Yesu igham niaan gha ibaad aatyavyav to Maaron izala ai pambaron. Tauta igham mulin ghiit pa patanani tawe. Saveenja ighen pataghaan wa:

“Neer tau ighe tiravu ve ituuk ila ai, ene aatyavyav to Maaron ighen izaa tooni.” \*

<sup>14</sup> Krisi igham tauvene, leso poia to Maaron tau muun izaa to Abaram na, izaa to yes tau Yuda mako na paam. Tauta aazne, iit tau taghur ila to Krisi na, tagham Maaron Avuvu itaghon saveen mbuaan tooni. \*

*Tutuun to Maaron irau ireu saveen mbuaan tooni mako*

<sup>15</sup> Yam tonvetaz, yau naghe naghama saveen palelaan pa ngar tau monmon iit tamtamon taghamghamu ne. Isaav ighe tambu saveen eta

---

\* **3:11:** Hab 2:4; Ro 1:17; Ga 2:16; Hib 10:38      \* **3:12:** Wkp 18:5;  
 Ro 10:5      \* **3:13:** Lo 21:23; Ro 8:3; 2Kor 5:21      \* **3:14:** Yo 7:38+;  
 Ro 4:16

ve tapariaaŋa le iyaryaŋ kat, ene murei tamtamon ite paam irau ireua, ma iseŋga pa saveeŋ ite paam mako. Pasaa, saveeŋ mbuaŋ tana iyaryaŋ wa. <sup>16</sup> Aiyo, mataan iŋgal saveeŋ tau muuŋ Maaron imbua tomania Abaram ve paaghu tooni. Saveeŋ tawe iŋarui Abaram paaghu tooni tisov mako. Iŋarui ŋeer eemon, ene Kriŋi. \*

<sup>17</sup> Saveeŋ tsiau tane, puughu tauvene: Maaron imbu saveeŋ tomania Abaram, ve ipariaaŋa le iyaryaŋ kat, ve ndaman ndiŋndiŋ paŋ, tamoot ee, saŋavul (430) ilam ila, ra igham tutuuŋ pa yes Israela. Tauvene tutuuŋ tawe irau ireu saveeŋ mbuaŋ tau muuŋ Maaron imbua ne mako. Pasaa, tutuuŋ ivot murei. \*

<sup>18</sup> Lepoogh poia tau Maaron ighe igham pa tamtamon tooni na, imin ta ŋgar to taghoniŋ tutuuŋ irau imin eez pait to taghamu, kanaŋ taghamu ila eez tana, ve saveeŋ mbuaŋ ileple. Eemon mako. Pasaa, Maaron imbu saveeŋ pa Abaram ighe i pale igham lepoogh poia tawe pani sorok. \*

### *Puughu tau Maaron igham tutuuŋ pait*

<sup>19</sup> Ighe vene, puughu mindai ta Maaron imbu saveeŋ le isov, ra izi gha igham tutuuŋ pa yes Israela? I igham tutuuŋ pa tamtamon to ipaburiŋin ŋgar toozi, leso tighilaal sosor toozi. Ve i ighe tutuuŋ tawe iyooz ariaaŋ le irau Abaram paaghu tooni tau i imbu saveeŋ pani na ilam ivot. Tutuuŋ tana, yes aŋela tigham pa Mose, ra i aana isakia

---

\* **3:16:** Gnp 12:7, 22:18, 24:7      \* **3:17:** Igham 12:40+      \* **3:18:** Ro 4:13, 11:6

ila pa yes Israela. Pasaa, i ta iyooz bodbodaan pa Maaron ve yes Israela. \*

<sup>20</sup> Eemon saawe tau Maaron imbu saveen tomania Abaram, tamtamon eta, ma aŋela eta ileep bodbodaan pa Maaron ve Abaram, ve isakia Maaron aliinŋa ila pa Abaram ne mako. Abaram iloon saveen ila Maaron tauu aavo. Pasaa, Maaron zigani ta ileep, ve isavia.

<sup>21</sup> Ma mindai? Saveen mbuaan to Maaron iparav tomania tutuun tooni? Mako kat! Imin ta tutuun eta irau imin eez pait to tagham lepooŋh poia ila to Maaron, kanan ŋgar to taghoniin tutuun irau igham ghiit taduduun ila Maaron maata. <sup>22</sup> Eemon mako. Pasaa, Maaron aliinŋa tau tiboode na, isaav ghazonŋa tauvene: Ŋgar saghati ikau iit tasov, le tamin yes tau tileep ila ruum to yavyavuun loolo. Saveen tane ipaghazonŋai ghiit pa sosor toit. Leso taghur ila to Yesu Krisi, ve ghuruun ila toit imin eez pait to taghita saveen mbuaan to Maaron anoonŋa. \*

<sup>23</sup> Muun, saawe tau taleep ila tutuun saamba, lepooŋh toit imin yes tau tileep ila ruum to yavyavuun loolo. Pasaa, tutuun inŋin ghiit pa gabua naol isov. Taleep tauvene le Maaron ipaghazonŋai eez to ghuruun ila ivot ighazonŋ. \*

<sup>24</sup> Agham ŋgar pa yes besoonŋa tau tinŋin geegeu ve tipaduduun zi le timin zolman. \*

---

\* **3:19:** Yo 1:17; Mban 7:38; Ro 5:20, 7:7      \* **3:22:** Mbo 14:3; Ro 3:9+      \* **3:23:** Ga 4:3; Hib 9:10      \* **3:24:** Yes Grika lezi besoonŋa siriv tau tinŋinŋin natuzŋa. Yes tigham payamyam pa yes geegeu, ve murei tipaduduun zi pa ŋgar le timin zolman. Mako tipul zi, ve geegeu tawe tinŋin tauzi.

Muun, iit taleep ila tutuun saamba, ve tutuun ingin ghiit imin yes besoonja tawe le Krisi ilam ivot. Leso igherev ghiit tala to Krisi, ve taghur ila tooni, ve i igham ghiit taduduun ila Maaron maata. \*

<sup>25</sup> Ve aazne, eez to ghuruun ila ivot ighazoon wa. Tauta taleep ila tutuun saamba muul mako, ve tutuun imin padudunjaan pait muul mako. \*

*Yes tau tighur ila to Krisi na timin Maaron natja*

<sup>26</sup> Yam asov tau ghuruun ila tsiam isaghav Yesu Krisi na, Maaron natja yam. \*

<sup>27</sup> Pasaa, yam tamtamon tau agham yaa gha amin Krisi le na, asov agham ngar to Krisi imin lemim wa, imin anonogh gham pa nonoghiinja paaghu. \*

<sup>28</sup> Ve yam asov raratemim ila Maaron maata. Isaav ighe yam Yuda, ma Yuda mako, ma yam besoonja sorok, ma yam besoonja mako ve angin taumim, ma yam zilivaa, ma zitamoot, gabua naol tauvene, iit tagham ngar pani sov. Pasaa, yam aleep ila to Yesu Krisi, ve i ilup gham asov amin eemon wa. \*

<sup>29</sup> Tauvene aazne, yam amin Krisi le wa. Ve amin Abaram paaghu tooni paam. Tauta ezamim pa ghamuun lepoogh poia ila to Maaron, itaghon saveen mbuaan tau muun i imbua tomania Abaram na. \*

## 4

*Iit tamin besoonja pa tutuun muul mako*

\* **3:24:** Mbanj 13:39      \* **3:25:** Ro 7:6, 10:4; Kol 2:16+; Hib 8:13

\* **3:26:** Yo 1:12; Ro 8:14+      \* **3:27:** Ro 13:14; Kol 3:12      \* **3:28:**

Yo 10:16; Ro 10:12+; 1Kor 12:13; Kol 3:11      \* **3:29:** Gnp 21:12; Ro 9:7+

1-2 Saveeņ tsiau tane, puughu tauvene: Isaav ighe tamtamon eta eeza pa ŋginiņ gabua naol isov to taama, ene irau iņginiir gabua tana rekia mako. Saawe tau i kukua, taghita taghe lepoogh tooni, ene iliiv yes besooņa to taama mako. Pasaa, i ileep ila besooņa siriv sambazi, ve tiņgini tomania gabua tooni tawe. Ve i aat ilepleep tauvene le tizaa pa saawe tau taama ighuru na, mako igham gabua tooni tana, ve tauu iņgin zi. <sup>3</sup> Yei Yuda tauvene paam. Muuņ, nileep imin yes geegeu tau ŋgarig gha tighamgham ŋgar. Saawe tana, nibesbees pa tutuuņ naol tau tisavia gabua to taan. \* \*

<sup>4</sup> Nileep tauvene le nizaa pa saawe duduuņ tau Maaron ighuru na, ra imbaaņ tauu Naatu izilam taan. Livaa ee to taan ipoopa. Ve i ileep ila tutuuņ saamba, ve itaghon katin tutuuņ le isov. \*

<sup>5</sup> I ilam to igham mulin yei tau nileep ila tutuuņ saamba. Leso nimin besooņa sorok pa tutuuņ muul sov, ve nimin Maaron natņa. \*

<sup>6</sup> Ve yam paam, amin Maaron natņa wa. Tauta Maaron imbaaņ Naatu Avuvu ila lolomim. Avuvu tawe igham ghiit tapoipoi Maaron taghe: “Abba, tamaņ” †

<sup>7</sup> Tauvene aazne, yam amin besooņa sorok muul mako. Pasaa, Maaron igham gham amin i tauu natņa wa. Ve isaav ighe i natņa yam, ene ezamim

---

\* **4:3:** Eez ite to tator ziiri tane, ene vene: “Saawe tana, taleep imin besooņa sorok pa avuvu sasaghati tau tiņgin gabua siriv to sambam ve taan.” \* **4:3:** Ga 3:23 \* **4:4:** Mt 5:17; Yo 1:14

\* **4:5:** Yo 1:12; Ro 8:14+; Ga 3:13; 1Pe 1:18+ † **4:6:** Yes geegeu to Israel tiwatwaat tamazņa ila tauzi alinazi tighe ‘Abba’, imin iit taghe ‘tamaņ’ o ‘ama’.

pa ghamuun lepoogh poia ila tooni. \*

*Paulus loolo ibubu pa yes Galesia*

<sup>8</sup> Muun, yam awatagh Maaron mako. Saawe tana, yam amin besoonja sorok pa gabua soroksorok naol tau Maaron tauu mako. \*

<sup>9</sup> Eemon aazne, yam awatagh Maaron wa. Aiss, nasaav vene sov. Maaron ta iwatagh gham, ve igham gham amin le wa. Tauvene puughu mindai ta aazne, yam aghur murimim pani, ve aghe amuul pa gabuamim munjaana, ve ataghon tuuun naol to taan tau lezi tapirizi irau to tiuul gham mako na? † <sup>10</sup> Aazne, yam matamim ingalngal saawe tau kaiyo iza paaghu, ve saawe to ndaman paaghu, ve saawe siriv ta aghur zi timin saawe to sunjuun itaghon ngar to yes Yuda. \*

<sup>11</sup> Tauta agham ghau lolog ibubu pa uraat tiina tau naghau ila sosomim na. Pale ighur anoonja, ma imin kaut sorok?

*Paulus itan rarai yes Galesia*

<sup>12-13</sup> Yam tonvetaz, aghita. Yau napul eez to taghoniin tutuun, ve nataghon yam tau Yuda mako na pa gabuamim. Tauvene aazne, natan rarai gham naghe atoor ngar tsiam, ve amuul alam ataghon ghau pa ngar tau yau naghaghamu ne. Saveen tsiau tane, nasavia pasaa, naghe yam agham sosor payau, ene mako. Yam awatagh: Saawe imin maata tau nalat navotia vaaru poia

---

\* **4:7:** Ro 8:17; Ga 3:29 \* **4:8:** 1Kor 8:4, 12:2 † **4:9:** Eez ite to tator ziiri tane, ene vene: “Tauvene puughu mindai ta aazne, yam aghur murimim pani, ve aghe amuul pa gabuamim munjaana, ve amin besoonja pa avuvu siriv tau lezi tapirizi irau to tiuul gham mako na?” \* **4:10:** Kol 2:16, 20; Hib 7:18



payam, yau namoroon, tauta nazalat naleep tomani gham. \*

<sup>14</sup> Moroghoon tsiu tana igham patañani tiina payam. Eemon matamim veleghin ghau, ma azor ghau mako. Yam apakur ghau kat, imin yau ajele eta to Maaron, ma Yesu Krisi tauu. <sup>15</sup> Saawe tana, yam tintinmim kat pa poia to Maaron tau izaa tsiam. Eemon aazne, tintinmim muul mako. Ene mindai? Onoon kat, yau nasaav payam: Saawe tana, lolomim pa uleñ ghau kat. Irau anguruut gabua eta payau mako. Imin ta yam irau auul ghau pa matamim, kanan apasu ve agham payau!

<sup>16</sup> Mindai, yau nasavia saveen onoon payam, tauta aghe naghur koi payam?

<sup>17</sup> Zeran tau tizuari zi pa ghamuñ lolomim na, ngar toozi poia mako. Yes tigde tigham gham amoghaagh payau, leso ataghon zi pa ngar toozi.

<sup>18</sup> Saawe isov, isaav ighe tazuari ghiit pa ghamuñ ngar popoia, ene poia. Tauvene saawe tau naleep tomani gham mako, yam aat matamim kisin ngar poia ve ataghoñi. <sup>19</sup> O natugña, ngar tau aghamu na, ene igham patañani tiina payau muul imin zilivaa tau apozi iyavyav pa popaan. Ve yau aat nabaad patañani tane le irau ngar to Krisi ivot imin tiina ila lolomim. \*

<sup>20</sup> Oyai, pale naghram mindai payam? Aazne naleep malau payam. Imin ta itina taleep, kanan aloon saveen duduñ ila avog ve nasavia saveen popoia siriv to napaghazonai ngar tsiam.

### *Saveen palelaan to Agar gha Sara*

---

\* **4:12-13:** 1Kor 2:3      \* **4:19:** Ro 8:29; 1Kor 4:15

21 Yam tau aghe aleep ila tutuun saamba na, asaav payau lak. Yam aloon saveen to tutuun, ma mako? 22 Pa Maaron aliina tau tiboode na isaav tauvene: Abaram natna ru. Ee, ivot ila to Agar, i livaa tau besoonja sorok na. Ve ite ivot ila to azaawa Sara, tau ruum tauu na. \*

23 Besoonja livaa naatu, i ivot itaghon eez to iit tamtamon to taan. Ve livaa tau ruum tauu na naatu, i ivot itaghon saveen mbuaan to Maaron. \*

24 Saveen tane, ene imin saveen palelaan. Pasaa, zilivaa ru tawe titotoi ghiit pa eez ru tau Maaron ighuru pa tamtamon. Agar, i imin eez to tutuun tau ivot izi loloz Sinai. Yes tau titaghon eez tawe na timin besoonja sorok. 25 Loloz Sinai, ene igheen taan sirivu to Arabia. Agar imin loloz tawe ve nugh Yerusalem tau aazne igheen izi taan ne. Pasaa, nugh tawe tamtamona timin besoonja sorok pa tutuun. 26 Eemon Yerusalem tauu ta igheen izi sambam na, tamtamona timin besoonja mako. Yes nugh taunja. Yerusalem tawe, ta imin iit tinaan. \*

27 Pasaa, Maaron aliina tau tiboode na isaav ighe:  
 “Yo livaa tau upoop mako na, tintinim!  
 Yo livaa tau uyamaan yavyavuun pa popaan soone na, lolom poia ve alinam izaa!  
 Pa livaa tau azaawa ighur muuri pani na, pale natna katini ve tiliiv livaa tau i le azaawa na

---

\* 4:22: Gnp 16:15, 21:2 \* 4:23: Gnp 17:16, 18:10+; Ro 9:7+; Hib 11:11 \* 4:26: Ro 8:15; Hib 12:22; Syg 21:2, 10

natŋa.” § \*

<sup>28</sup> Yam tonvetaz, yam amin Sara naatu Isak. Pasaa, saveeŋ mbuaan to Maaron imin eez payam gha amin i tauu natŋa. \*

<sup>29</sup> Ve matamim inŋgal imuul ila pa nŋar tau muun Ismael igham pa Isak na. Neer tau ivot itaghon eez to iit tamtamon to taan na, ighur patanani pa taazi tau ivot ila Maaron Avuvu tapiri. Aazne, nŋar raraate ivotvot. Pasaa, yes tau titaghon eez to tutuun na, tighurghur patanani pa iit tau Maaron Avuvu igham ghiit tamin i tauu natŋa na. \*

<sup>30</sup> Ve Maaron aliiŋa tau tiboode na isaav mindai? Isaav tauvene ighe:

“Uziir besooŋa livaa yesuru naatu tighau! Pa besooŋa livaa naatu irau ileep tomania livaa tau ruum tauu na naatu, ve yesuru tiyooz pa gabua to tamazi ne mako.” \*

<sup>31</sup> Tauvene yam tonvetaz, aloon. Iit besooŋa livaa natŋa mako. Iit tinaan, i ruum tauu. \*

## 5

### *Tamtamon to Krisi timin besooŋa pa tutuun mako*

§ **4:27:** Muun, lupuun to yes Israela tomania Maaron poia. Eemon yes eval mako. Saawe tana, yes tileep imin livaa tau i le azaawa. Eemon saawe naol, tizoor Maaron aliiŋa. Tauvene murei, i ighur muuri pazi, ve ipul zi tila yes Babilona ve nugh siriv nimazi. Saawe tana, tileep imin livaa tau ipoop mako, ve azaawa ipuli. Aazne, ila uraat to Krisi, Maaron igham eval to nughmariŋ timin i natŋa. Yes Yuda, ve yes tau Yuda mako na paam. Yes tana ta timin Yerusalem to sambam natŋa. \* **4:27:** Is 54:1 \* **4:28:** Ro 9:8

\* **4:29:** Gnp 21:9; Ga 5:11, 6:12 \* **4:30:** Gnp 21:10; Yo 8:35

\* **4:31:** Ga 3:29, 5:1, 13

<sup>1</sup> Tauvene iit tamin besoonja pa tutuun muul mako. Pasaa, Krisi ipas ghiit pa eez to taghoniin tutuun wa. Tauvene ayooz ariaan. Apul tamtamon tigham gham amin besoonja muul sov. \*

<sup>2</sup> Aloonj. Yau Paulus nasaav ghazonja payam tauvene: Isaav ighe aloonj zeran tawe alinjazi, ve tirav waromim leso aduduunj ila Maaron maata, ene pale uraat to Krisi irau iuul gham mako. Mako kat. <sup>3</sup> Yau nasaav ghazonja payam muul. Yam asov tau aghe ataghon eez to tutuun ve ayok pa tirav waromim na, yam aat ataghon tutuun ta naol ne le isov, o aduduunj ila Maaron maata. \*

<sup>4</sup> Tauvene yam tau anumeer ngar to taghoniin tutuun to igham gham aduduunj ila Maaron maata na, ayamaan gham. Pa ene yam arav motin taurimim pa Krisi ve apul poia to Maaron wa. \*

<sup>5</sup> Eemon iit tau taghur ila to Krisi ne, Maaron Avuvu ipapalot ghiit ve tasasaan saawe to Maaron itotoi ghiit ighe iit taduduunj ila i maata. Gabua tawe, tauta taghurghur mataan pani kat. \*

<sup>6</sup> Iit tau taleep ila to Yesu Krisi na, tagham ngar tiina pa ravuunj tamtamon warozi muul mako. Pa ighe tirav waroon, ma tiravu mako, ene gabua to uliin mon. Ve isaav ighe ghuruunj ila toit ipaburigin ghiit gha loloon pa tamtamon ve tagham poghani zi, ene gabua tauu. \*

<sup>7-8</sup> Muunj, yam alaan duduunj itaghon eez to saveenj onoon. Aazne, sei iponpoon gham pa landoonj tsiam? Saveenj ngoreenj toozi tau ikau ngar

---

\* **5:1:** Yo 8:36; Ro 7:6, 8:2+; Ga 5:13      \* **5:3:** Ro 2:25; Ga 3:10

\* **5:4:** Ga 2:21      \* **5:5:** Ro 8:23+; 2Tim 4:8      \* **5:6:** 1Kor 7:19; Ga 6:15; Kol 3:11

tsiam na, ene ilam pa Maaron tau ipoi gham amin le ne mako. \*

<sup>9</sup> Tauvene ayamaan gham. “Pa yis ngiira mon, ene irau ipasaria palawa tiina.” \*

<sup>10</sup> Eemon yau naghur ila to Maaron naghe i tauu pale ipaduduun gham leso ataghon ngar tooni imin yau. Yau nakankaan pa sei tau ikau ngar tsiam. Eemon neer tawe pale igham atuya to sosor tooni tana. \*

<sup>11</sup> Yam tonvetaz, yau nawatagh. Zeran siriv tingalngal saveen karom payau tighe yau taug navovotia saveen pa tamtamon naghe yes aat titaghon tutuun to Mose, ve tirav warozi, o poia. Laak, ighe saveen toozi tawe onoon, puughu mindai ta yes Yuda tighurghur patanani payau soone? Imin ta naghhamgham tauvene, kanan saveen tau navovotia pa mateegh to Yesu izala ai pambaroon na, irau ireu tamtamon lolozu muul mako. \*

<sup>12</sup> Yes tau tikau ngar tsiam ve tiyaryaan pa ravuun waromim na, yau naghe tipaal tauzi lambezi paam, o poia!

*Ngar to loloon munjaana ve ngar tau Avuvu Patabuyaan lolo pani na tipaparav*

<sup>13</sup> Yam tonvetaz, Maaron ipoi gham amin i le, leso amin besoonja pa tutuun muul sov. Eemon ngar tana imin puughu payam to ataghon ngar to lolomim munjaana sov. Yam aat lolomim pa taumim, ve avaule gham. \*

---

\* **5:7-8:** 1Kor 9:24; Ga 1:6, 3:1      \* **5:9:** 1Kor 5:6      \* **5:10:** Ga 1:7      \* **5:11:** 1Kor 1:23; Ga 6:12      \* **5:13:** 1Kor 8:9; 1Pe 2:16

14 Pa tutuunj tISOV tIghEen ila tutuunj eemon loolo, ene vene: “Lolom pa tamtamON ve ugham poghani zi, imin yo lolom pa taum.” \*

15 Eemon isaav ighe yam avazorai gham ve avomim ivaghani gham imin ngavuun sagsag tau tiparav ve tivaghani zi, na ayamaan gham. Pa ighe anoknoki tauvene, ene pale avaghamun taumim le asaghat kat.

16 Tauvene yau nasaav payam: Laghoonj tsiam, yam aat ataghon ngar to Maaron Avuvu. Ighe agham tauvene, ene irau ataghon lolomim munğaana muul mako. \*

17 Aghita. Saawe isov, ngar to loloon munğaana ve Maaron Avuvu tivaghuru koi pa tauzi ve tiparav. Pasaa, ngar tau Maaron Avuvu loolo pani na, ene loloon munğaana izorzoora. Ve ngar tau loloon munğaana iyaryaanj pani ne, ene paam Maaron Avuvu izorzoora. Tauta saa ngar tau aghe aghamu, ene irau aghamu mako. \*

18 Eemon isaav ighe ataghon pooz to Maaron Avuvu, ene aat aleep ila tutuunj saamba muul mako. \*

### *Ngar to loloon munğaana*

19 Ngar tau loloon munğaana ipapazaagh ghiit pani ne, ene iit tawataghi wa. Ene ngar tauvene: Taghur boog, tagham ngar tau ngalaanja mako, loloon ipazaagh ghiit pa ngar sasaghati ve tala pa naghoon mon, \*

---

\* **5:14:** Mt 22:37+; Ro 13:8+; Yems 2:8 \* **5:16:** Ro 8:4, 13:14; 1Pe 2:11 \* **5:17:** Ro 7:15, 8:6+ \* **5:18:** Ro 6:14, 8:2, 14 \* **5:19:** Ro 13:13+; Ep 5:3+

<sup>20</sup> tabees pa maaron karomņa, ņgar to ghamuņ mur, taghur koi pa tamtamon, tavazorai ghiit, taghita zetaanņa tau lezi gabua katini na ve ireu loloon, ateen tuuku, takokook, mataan ingalņgal tauun mon, tavarewai ghiit ve taleep soghan soghan, tagham ņgar taghe lupuņ toit mon ta iduduņ kat ila Maaron maata, <sup>21</sup> taghur koi pa zetaanņa tau lezi gabua katini, taghun le tavaghamgham, itiņa zetaanņa talup ghiit ve tagham ņgar sasaghati naol toman oroor tiina, ve ņgar sasaghati siriv paam. Saveeņ tau muuņ nasavia payam, tauta aazne nayoli muul: Zeran tau titaghon ņgar tauvene, yes irau tigham lep-oogh poia izi Maaron nugh tooni mako. Pasaa, yes titaghon pooz tooni mako. \*

*ņgar tau Maaron Avuvu ipapaburigin ghiit pani*

<sup>22</sup> Ve Maaron Avuvu ipapaburigin ghiit pa ghamuņ ņgar tauvene: Loloon pa tamtamon ve tagham poghani zi, loloon poia kat irau saawe, tatotoi ņgar luuma pa tamtamon ve itiņa tavalupu ghiit tamin eemon, tatatan ateen, tagham poghania tamtamon ve tatotoi ņgar popoia mon pazi, mataan ingal saveeņ mbuaaņ toit ve tataghoni, \*

<sup>23</sup> ņgar marowa, ve taņgin tauun poi. Aghita. ņgar tauvene, ene iduduņ mon. Tutuun eta ingalsekin ghiit pani mako. \*

<sup>24</sup> Yes tau timin Yesu Krisi le na, tigham lolozi muņgaana tomania ņgar sasaghati naol tau lolozi

---

\* **5:21:** 1Kor 6:9; Syg 22:15      \* **5:22:** Ep 5:9; Kol 3:12      \* **5:23:** Ro 3:31; 1Tim 1:9

munğaana tawe ipapaghaar zi pani na, ve tiravu izala ai pambarooŋ gha imaata wa. \*

<sup>25</sup> Iit tagham lepoogh paaghu ila to Maaron Avuvu wa. Tauvene laghoon toita, iit aat tataghon pooz to Maaron Avuvu. \*

<sup>26</sup> Tauvene tapait tauun sov. Ve tawat zetaanŋa, ma taghur koi pa yes tau lezi gabua katini na sov. \*

## 6

### *Tatotoi ngar poia pa tamtamon itaghon ngar to Krisi*

<sup>1</sup> Yam tonvetaz, isaav ighe tsiam eta itap ve igham sosor; na yam tau ataghon ngar to Maaron Avuvu na, ala apaduduunŋa toman saveeŋ marowa, lesa itoor ngar tooni imuul ila pa Krisi. Eemon ayamaan gham. Pa aat tovaan ivot payam paam. \*

<sup>2</sup> Avaule gham pa badoon patanani tsiam. Lesa atotoi tutuun to Krisi anoonŋa ivot. \*

<sup>3</sup> Isaav ighe neer eta ighe i iliiv zeetŋa, ene itombaana tauu. Pasaa, tamtamon tauvene, i igham ngar irao soone. \*

<sup>4</sup> Tauvene tamtamon enaenŋa irau tigabiiz poghania uraat to tauzi: Uraata toozi poia ila Maaron maata, ma mako? Ighe uraat toozi poia, ene yes irau tipakur zi pani. Ve tigabiiz uraat toozi

---

\* **5:24:** Ro 6:6; Ga 2:20; Kol 3:5      \* **5:25:** Ro 8:4, 12+      \* **5:26:**  
 Ro 12:10+; Pil 2:3      \* **6:1:** Mt 18:15; 2Tim 2:25; Yems 5:19      \* **6:2:**  
 Yo 13:34; Ro 15:1; 1Tes 5:14      \* **6:3:** Ro 12:3; 1Kor 3:18, 8:2



tomania uraat to zetazŋa sov. <sup>5</sup> Pasaa, iit enjaeŋa aat tabaad patanani toit toit. \*

*Saa ngar tau ighe taghamu, ene pale murei tagham anooŋa tooni*

<sup>6</sup> Isaav ighe tamtamon eta ipaghazonai gham pa Maaron aliiŋa, yam aat arei gabua tsiam popoia siriv pani paam. \*

<sup>7</sup> Ayamaan taumim. Irau atombaan Maaron mako. Saa aniiŋ tau ighe tavazoghi, ene aniiŋ tana mon ta pale izaa ve tataii. \*

<sup>8</sup> Tamtamon tau ighe ivazogh gabua tau ipazaagh loolo munŋaana, ene aat ighita anooŋa tauvene: I pale isaghat ve ilale. Ve tamtamon tau ighe ivazogh gabua tau ipariaaŋ ngar to Maaron Avuvu ila loolo, ene aat ighita anooŋa poia tauvene: I pale igham lepoogh poia ila to Maaron Avuvu taghon taghon gha ila. \*

<sup>9</sup> Tiniin imum pa ghamuun ngar popoia sov. Pa ighe tapuli mako, ve tanoknok ghamuunni, ene aat taghita anooŋa ila saawe tooni. \*

<sup>10</sup> Tauvene isaav ighe iit irau tauul tamtamon eta, na tauule. Tagham poghania tamtamon tison. Ve yes tau tighur ila to Krisi na, iit aat tagham poghani zi kat. Pasaa, yes timin tonvetaz toit. \*

*Mategh to Krisi izala ai pambaroon, ene gabua tauu*

<sup>11</sup> Aghita bodeeŋ tintiina tau taug nimag nabood zi ne. <sup>12</sup> Yes tau timburmbuur gham pa taghoniin

---

\* **6:5:** Ro 14:12    \* **6:6:** 1Kor 9:7, 11, 14    \* **6:7:** Ro 2:6; 1Kor 6:9; 2Kor 9:6    \* **6:8:** Ro 8:13    \* **6:9:** 1Kor 15:58; 2Tes 3:13; Hib 10:36    \* **6:10:** Ep 2:19; 1Tes 5:15; 1Tim 6:18; 2Pe 1:7

tutuun ve ravuun waromim na, ene tigham pa ezazi mon. Ve tiroi paam: Isaav ighe tivotia saveen pa mateegh to Krisi izala ai pambaroon, ene pale yes tau tighur ila mako na tighur patanani pazi. \*

<sup>13</sup> Yes tau tiyooz ariiaan pa ngar to ravuun tamtamon warozi na, tauzi titaghon duduunai tutuun to Mose mako. Yes tizoornugh tighe tirav waromim pasaa, tighe tigham gham ataghon ngar toozi. Leso tipait tauzi ezazi.

<sup>14</sup> Eemon yau irau napait taug ezag, ma tamtamon ite paam eeza ne mako. Yesu Krisi tau imaat izala ai pambaroon, i mon ta igham ghau tintinig ve napait eeza. Yau naghita naghe saawe tau tirav Krisi imaat izala ai pambaroon, tirav ghau namaat tomania. Tauta mateegh tooni tapiri irav matin ngar to taan tau muun ighen ila lolog na gha imaat wa. \*

<sup>15</sup> Tauvene isaav ighe tirav waroon, ma mako, ene gabua sorok. Uraat to Maaron tau igham ghiit tamin paaghu, tane mon ta gabua tauu. \*

<sup>16</sup> Tamtamon tisov tau titaghon eez tauvene, Maaron tauu pale loolo isaghatin zi, ve ighur luma tooni izaa toozi. Pasaa, yes ta timin Israela duduun.

<sup>17</sup> Aiyo, yau naghe napasov saveen tsiau. Aazne ve ila, lolog pa tamtamon eta ighur patanani payau muul mako. Pa sip tau ighenaar ila tinig ne, ene naghama zi pa Yesu Krisi eeza. \*

\* **6:12:** Ga 5:11; Pil 3:18      \* **6:14:** Ro 6:6; 1Kor 1:31, 2:2; Pil 3:7+

\* **6:15:** Yo 3:3; Ro 2:28; 2Kor 5:17; Ga 5:6      \* **6:17:** 2Kor 4:10, 11:23

<sup>18</sup> Yam tonvetaz, poia to Tiina toit Yesu Krisi  
igheen tomani gham. Onoon.

**Maaron Saveen Tooni Patabuyaang  
The New Testament and portions of the Old Testament  
in the Tuam dialect of the Saveeng language of Papua  
New Guinea. The Saveeng language is also called the  
Mutu language.  
Sampela hap Buk Baibel long tokples Saveeng Tuam  
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 11 Nov 2022 from source files dated 9 Oct 2020

adb844f0-d769-5b05-9dd0-7c01fca938bb